



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

936. *Millefolium purpureum* vulgare. *Raii*.
 937. *Nigella arvensis* cornuta. *C. B.*
 938. *Ostrya Americana* fructu *Lupuli*. *Ind. Hort. Chelf.*
 939. *Parietaria Polygoni* folio canescens. *Tourn.*
 940. *Polypodium sensibile*. *Munting. Hist.*
 941. *Pseudo-Dictamnus verticillatus* inodorus. *C. B.*
 942. *Senna Italica*, five foliis obtusis. *Ib.*
 943. *Sideritis Romana* utriculis spinosis. *H. Lud. Bat.*
 944. *Thlaspi arvense* minus, luteum. *Park.*
 945. *Thlaspi*. Off. *Thlaspi arvense siliquis latis*. *C. B.*
 946. *Urtica pilulifera* *Parietariæ* foliis. *Hort. Reg. Paris.*
 947. *Valerianella* semine stellato. *C. B.*
 948. *Vulneraria rustica*. *J. B. Anthyllis leguminosa*. *Raii Syn.*
 949. *Vulneraria* flore purpurascente. *Tourn.*
 950. *Vulneraria pentaphyllos*. *Tourn. Anthyllis leguminosa vesicaria Hispanica*. *Park. 1094.*
-

XIII. *Epistola* Johannis Bevis, *M. D. ad* Gul. Jones, *Armig. R. S. S. de Transibibus Mercurii sub Sole*, Oct. 31. 1736. & Oct. 25. 1743.

Read Dec. 15.
 1743.

MOREM tibi gerens, vir amicissime, observationes meas de Mercurio bis subtilari ex schedis diariis transtuli, mancas quidem invidia cœli, dignas tamen fortasse, ne pereant; cum cuiquam in Britannia nostra meliorem sortem
 con-

contigisse non adhuc audiverim; cumque contactus pene momentanei, quos subnotare licuit, longitudinibus locorum designandis poterint optime inservire.

Ab Halleio invitatus, qui me sibi adiutorem fore dignatus est, Octob. 31. 1736. die nempe quo celebranda esset Mercurii cum sole copula, Grenovicum diluculo me contuli. Cœlum ab exortu Solis fuit pulcherrimum, sed ventus haud valde remissus. In eodem conclavi mecum versabatur ipse Halleius, qui horologio adesse voluit, dum ego tubum viginti quatuor pedum dirigendi gererem curam. Circa octavam horam ad observandum me comparavi; quippe verebar, ne, fallente calculo, ingressus præterlaberetur: at nil in Sole visum præter maculas. Illico cœlum obductum est, nec ita multo post plane obscurum redditum. In decimam fere matutinam protracta est dies, cum paulo dehiscerent nubes, & Mercurii sub Sole apricantis intervidendi prima nata est occasio, momento citius densissimis nubilis abrepta. Haud diu invigilaveram, cum Mercurium iterum viderim, & Halleio ostenderim; scilicet in facie Solis, cui ibi bis antea apparuerat. Longa deinde & vere maligna nubium successio; sub Meridiem autem serenari coeptum est; & quidem solem culminantem quadrante murali maximo Halleius observavit. Revixit jam plena spes Mercurii exeuntis observandi; & quidem, cura reassumpta, notavi quæ sequuntur.

Temp. Appar.

D. H. ' . ''.

Oct. 30. 23. 50. 45. Centrum Mercurii a Solis limbo proximo distat 1'. 08''. metiente Micrometro.

D. H. ' . ''.

Oct. 31. 00. 02. 39. Mercurius quasi propria diametro a Solis margine distinctus.

07. 04. Centrum egressum æstimatione oculi.

08. 33. Contactus exterior, cœlo admodum sereno.

Tantilla autem fuit Mercurii diameter, ut, micrometro capta, vix decem secunda scrupula superaret.

1743. *Octob.* die 25. quo Mercurius rursus in Solem incurrere debuit; Londini, idque in *Ædificiis Beaufortensibus*, semiminuto circiter temporis a regia specula ad occasum sitis, illi invigilare decreveram. Constitutio cœli fuit ipsissima quæ in superiore transitu, si non vehementior flaret Afrieus; ex quo non parum incommodi ob vacillationem telescpii, validissimo fulcro licet innixi. Micrometrum adhibere plane arduum fuit; nec quicquam plus semel mensuravi, idque vix tute, facta collatione ad intercapedinem eodem fere momento, in clauso conclavi, exactissime Grenovici captam; quare suppressendum arbitror. Horologium numeravit D. Jeremias Sisson, me in Solem intento. Hora octava matutina nil in Sole conspicuum, quem paulo post plurimæ nubes occupârunt. Decima cum semisse vix præterlapsa est, cum Mercurium primo detexerim, dimidio itineris jam pene confecto. Nubes rursus exceperunt Solem, qui tamen instante meridie rediit & inclaruit, quo Mercurii Solisque adscensionalis differentia innotuit: Tribus etenim verticalibus filis in meridionalis transitorii foco collocatis, *Oct.* 24^d. 23^h. 57'. 48''. T. App. ad primum horum Solis præcedens

cedens limbus est devolutus, elapsisque 25'' Mercurii centrum ibidem exstitit. Rursus ingruiebant nubes cum tristissima facie coeli, neque Mercurii iterum conspiciendi ulla spes affulsit; & quidem pauca decidente pluvia. Tubum cum sustentaculis ab aperto intus transferendi cogitabam, & observando finem imponere, cum effringi cœperint nubila, & ab eo tempore rarefcere. Latus itaque ad negotium reversus, Mercurium in splendidissimo Sole summe nigricantem contemplatus sum, & ultimas phases exacte defini: en ea quæ chartis mandavi.

Temp. Appar.

D. H. ' . ''.

Obs. 25. 00. 58. 34. Inter Solis Mercuriique limbos distantia Mercuriali diametro æqualis quamproximum.

01. 00. 33. Contactus ultimus interior.

01. 25. Centri egressus, iudicio oculi.

02. 16. Contactus ultimus exterior.

Pridie, paulo post meridiem mensurata est diameter Solaris 32'. 27''. tubo 12 ped. micrometro armato, & optimæ notæ, eodem nempe quo in hisce usus sum.

Hactenus de proprio penu. Sed neque prætereunda est observatio circa initium insignis a *D. Bird* peracta, in vico dicto *Surrey-street*, a nostro ad orientem secundo minuto temporis cum semisse remoto. Is nimirum, telescopio catadioptrico multum ampliante, exile admodum lucis filamentum inter Solis & Mercurii jam ingressi limbos deprehendit, vix decimæ parti, ut aiebat, Mercurialis diametri æquale; idque 8^h. 30'. 56''. scilicet 8^h. 30'. 54''. $\frac{1}{2}$. in ædificiis Beaufortensibus, uti ex horologiis probe a meipso in-

invicem comparatis innotuit; unde totalem ingressum in ædificiis Beaufortensibus ad 8^h. 30'. 40'', quamproxime referre haud iniquum puto.

Liceatne demum ex præmissis integrum transcursum, quasi in ædificiis Beaufortensibus visum, in hunc modum contexere?

Temp. Appar.

D. H. ' . ''.

Oct. 24. 20. 28. 57. Contactus primus exterior.

29. 48 $\frac{1}{2}$. Centri ingressus.

30. 40. Contactus primus interior.

Oct. 25. 01. 00. 33. Contactus ultimus interior.

01. 24 $\frac{1}{2}$. Centri egressus.

02. 16. Contactus ultimus exterior.

Quoad temporis momenta in utroque transitu notata, minime hærendum censeo, cum a Sole meridiano utrobique capto rem extra dubitationis aleam poni nemo negaverit.

Valeas:

Nov. 7. 1743.

Tui observantissimus,

J. Bevis.